

कचिं मिरुनि नेमखान्थि

जानुवारि 2024

जौसिन सोलॅंथाइ बिफान, सोलॅंथाइ मन्त्रि आफाद  
भारत सोरखार

## गुदि गुमुर

1. सोरखारि-नडि कचिं मिरुफोरजों सोमोन्दो थानाय जेंनाफोर, गुबैयै फरायसाफोरनि गावखौ फोथैनाय जाथाइ, अर खामनाय जाथाइ, बाइदि सुविदाफोरनि आंखालजों लोगोसे फोरोंनाय आदबफोरनि बांलांनाय आंखालफोरा सम-सम सोरखारनि गोसोखौ बोगासिनो दं।
2. हादोराव सोरखारि-नडि कचिं मिरुफोरनि अनजिमाया जेबो थिखानाय नेमखान्थि एबा बिखान्थि गैयियाव बांलांगासिनो दं। बेफोर बायदि मिरुफोरा फरायसाफोरनिफ्राय बांद्राय मासुल लानाय, फरायसाफोरनि सायाव गोसोआरि नारसिननाय, अर खामनाय आरो गुबुन जाब्रबथायनि जाहोनाव बेसेनगोसा जिउवा खहा जायो आरो बेफोर मिरुफोरजों नाजावजानाय गोबां गुबुन गाजि आखुथाइ एबा जाथाइफोरखौ खौरां बिजोडव गुवारै फोरमायनाय जायो।
3. बेफोर आयदाफोरखौ संसदाव दान्थे-बिदान्थे, सावरायनाय आरो सौलुफोरनि गेजेरजोंबो गोबां खेब दैखांनाय जादों।
4. बेखौ नोजोर होनानै, +2 थाखोनि सोलोंथाइखौ नेमखानाया राज्यो / जुथाइ हायुं आवथानि सोरखारफोरनि बिबान, बेनिखायनो बेफोर फसंथानफोरा राज्यो / जुथाइ हायुं आवथानि सोरखारफोरजों सावसिनै सामलायजायो।
5. स्टुडेन्ट फेडारेशन अफ इन्डिया बनाम इउअआइ आरो गुबुनफोरनि आयदायाव 2013 मायथाइनि डब्लिउपि नं 456 आव पिआइएलखौ जौसिन आदालदाव दाखिल खालामनाय जादोंमोन, जेराव सोलोंथाइ मन्थि आफादा फिन-होगिरिफोरनि गेजेराव मोनसेमोन। पिआइएलखौ 03.02.2017 मायथाइनि बिथोननि गेजेरजों फोजोबनाय जादोंमोन, गुबुन गुबुन बाथ्राफोरजों लोगोसे आर'जलाइ (पेटिसन) आव दैखांजानाय आयदाया गोनांथारब्लाबो गुबैयै मोनसे खान्थियारि आयदा। आर'ज होग्राफोरनि थाखाय बे आयदाखौ सोमोन्दो गोनां बिबानगिरिफोरनि सिगाडव दैखानो थाखाय उदां जागोन, जाय आयेन बायदियै बेखौनो साननो हागौ।
6. संसद आरो अशोक मिश्रा कमितिनि फोरमायथि मोन्नैयावबो गुवारै सावरायनायनि आयदा थानाय गावारि सोरखारि-नडि कचिंनि नेमखान्थिनि आयदानि सोमोनदोआव, 04.04.2017 खालार लाइजाम नं 32-6/2017-टीएस I नि जोहै जौसिन सोलोंथाइया राज्योफोर/जुथाइ हायुं आवथाफोरखौ नेमखान्थि गैयि फसंथानफोरनि थाखाय गोखों जुरिमाना खान्थिनि थाखाय राहा लानो खावलायदोंमोन। बे लाइजामाव राज्योफोर/जुथाइ हायुं आवथाफोरखौ फरायसाफोरा गावखौ फोथैनायखौ फोजोबनो थाखाय बिजिरगिरि रुपनवालनि नायबिजिरनाय आयगजों सुबुरुन होजानाय मोन 12 राहाफोरखौ सात्रा नायनो थाखाय खावलायनाय जादोंमोन।
7. लाइजाम नं 32-6/2017-TS I खालार 14.08.2019, कचिं मिरुफोरनि नेमखान्थिनि सोमोन्दोआव, राज्यो आरो जुथाइ हायुं आवथाफोरखौ थि दारानां दाथाइ (फ्रेमवर्क) नि गेजेरजों गावसोरनि आवथाइयाव

कचिं मिरुफोरनि नेमखान्थिनि थाखाय गोनांथार राहा लानो खावलायनाय जादोंमोन, मानोना बेफोरनि गेजेराव गोबां कचिं मिरुफोरा फरायसालिनि थाखोआव खामानि मावो आरो बेनिखायनो राज्यो/ जुथाइ हायुं आवथा सोरखारनि थोंजों सिडाव दं।।

8. आरोबाव, 24.12.2020 खालारनि लाइजाम नं 32-18/2020-टीएस I नि जोहै 04.04.2017 आरो 14.08.2019 खालारनि लाइजामफोरनि सोमोन्दै नोजोर होनानै, राज्योफोर/जुथाइ हायुं आवथाफोरखौ थि दारानां दाथाइ (फ्रेमवर्क) नि गेजेरजों बे कचिं मिरुफोरनि थाखाय नेमखान्थि दानो खावलायनाय जादोंमोन, जाहाथे फरायसाफोरखौ सोबख'जानायनायनिफ्राय रैखाथि होनो हायो।

9. हायुडारि सोलोंथाइ खान्थि 2020 (एनइपी 2020) खौ 29.07.2020 मायथाइयाव स्टेकहोल्डरफोरजों गुदि-खिथा सावरायनायनि उनाव फोसावनाय जादों। एनइपी 2020 नि गुदिनां नेम-खान्थिफोरनि गेजेराव मोनसेआ जादों "आथिखालनि 'कचिं हारिमु' खौ थुलुंगा होग्रा सामेटिभ एसेस्मेन्ट अनगायै सोलोंथाइनि थाखाय खान्थियारि फर्मेटिभ एसेस्मेन्टाव गोसो होनाय"।

10. एनइपी 2020 आ बेनि दफा 4.36 आव गेजेरारि फरायसालिनि आनजादफोरजों लोगोसे बर्ड आनजाद आरो एन्ट्रेन्स आनजादफोरनि आथिखालनि आखुथाइखौ गनायथि होयो, आरो फरायसाफोरनि सायाव बे कचिं हारिमुनि खहागोनां गोहोम जानायखौ दिन्थियो।

11. एनइपी 2020 नि दफा 4.37 आ कचिं थाखो लानायनि गोनांथिखौ फोजोबनो थाखाय बर्ड आरो एन्ट्रेन्स आनजादफोरनि सोलिबाय थानाय खान्थिखौ फोसावनो बोसोन होयो।

12. दफा 4.38 आ गुबुन गुबुन बाथ्राफोरजों लोगोसे बांसिन सोलायस्लुथि, फरायसा सायख'नाय आरो साबसिन-मोननै नाजानाय (एटेम्प्ट) थिसननो थाखाय सुबुरुन होयो जाय गाहायै सिं गोहोफोरखौ नायबिजिरो आरो बर्ड आनजादनि बांसिन जाथावना मडेलखौ जौगाहोयो जाय गोसोआरि नारसिननाय आरो कचिं हारिमुखौ बाडाय खालामो।

13. एनइपी 2020 नि दफा 4.42 आव बुंनाय जादोंदि मुलुगसोलोंसालिनि एन्ट्रेन्स आनजादनि थाखाय बोसोन खान्थिया रोखोमसे जागोन। नेशनेल टेस्टि एजेन्सि (एनटीए) बोसोराव खमैब्लाबो खेबनै मोनसे गोजौ-गुनगोनां सरासनस्रा रोंगौथि आनजादजों लोगोसे बिगियान, सुबुंथि, राउ, आरिमु आरो जिउराहायारि आयदाफोराव जुनियायै सरासनस्रा आनजाद होनायनि थाखाय हाबा मावगोन। बे आनजादफोरा सानदांथिगोनां बुजिनो हानाय आरो गियानखौ बाहायनो हानाय गोहोखौ आनजाद नायगोन आरो बेफोर आनजादफोरनि थाखाय कचिं लानायनि गोनांथिखौ फोजोबनो थांखि लागोन। फरायसाफोरा आनजाद होनो थाखाय आयदाफोरखौ सायख'नो हागोन आरो मोनफ्रोमबो मुलुगसोलोंसालिया साफ्रोम फरायसाफोरनि गावारि आयदा पर्फ'लिय'खौ नायनो हागोन आरो गावारि गोसो आरो रोंगौथिनि सायाव बिथा खालामनानै फरायसाफोरखौ गावसोरनि फरायफारिफोराव मुं थिसन्नो होगोन।

14. कचिं हारिमुखौ फोजोबस्रांनायनि मावखान्थिजों सोमोन्दो थानाय आयदानि सायाव बावैसो फोसावजानाय नेशनेल कारिकुलाम फ्रेमवर्कआवबो गुवारै सावरायनाय जादों।

15. सोरखारा कम्न इउनिभारसिटि एन्ट्रेन्स टेस्ट (सिइउटी), 13 ओनसोलारि राउफोराव एन्ट्रेन्स आनजाद खुंनाय, जौसिन सोलोंथाइ फसंथानफोर (एहसइआइ) आव मासिफोरनि अनजिमाखौ नांगौबादि फेहेरनाय आरो बांसिननिफ्राय बांसिन गोजौ गुन गोनां जौसिन सोलोंथाइ फसंथानफोर गायसननाय बाइदि जेंनाफोरखौ सुम्नानो थाखाय एनइपि, 2020 जों गोरुबनानै हाबाफारि लादों। नेशनेल कारिकुलाम फ्रेमवर्कक (एनसिएफ) आ फरायसालिफोराव सोलोंफारि आयदाफोर आरो बर्ड आनजादफोरजों सोमोन्दो थानाय आयदाफोर जाय आथिखालनि गोनांथि गैयि थासारिखौ सोमजिहोयो बेफोर जेंनाफोरखौ सुम्नानो थाखाय थोंजों राहा लागासिनो दं।

16. एनइइटि (इउजी) आरो जेइइ (मेइन) एन्ट्रेन्स आनजादफोरनि थियारिनि थाखाय फरायसाफोरखौ मोजाडै सर' खालामनायाव मदद होनो थाखाय नेशनेल टेस्टि एजेन्सि (एनटीए) आ 'नेशनेल टेस्ट अभ्यास' मुंनि मोनसे म'बाइल एप जागायदों जेराव गोजौ-गुनगोनां मक टेस्टफोरखौ बेसेन नाडै-जासे अनलाइन मोननो हायो।

17. गाज्जि-लामा दिन्थिग्रा फोसावथाइ फोसावग्रा कचिं मिरुफोर / सोरखारि-नडि जौसिन सोलोंथाइ फसंथानफोरनि बेरेखायै कन्जुमार प्रटेक्शन एक्ट, 1986 नि राहाफोरनि सिडाव गोनां हाबाफारि लानो थाखाय बे आयदाखौ कन्जुमार एफेयार्स बिफानावबो लानाय जादों।

18. सोलोंथाइया सें फारिलाइयाव दं, राज्यो आरो जुथाइ हायुं आवथानि सोरखाराबो बे आयदायाव सांग्राडै खामानि मावनायनि गोनांथि दडो।

19. गोबां राज्योफोर/जुथाइ हायुं आवथाफोरा गाव-गावनि आवथायाव सोरखारि-नडि कचिं आरो फोरोंथाइ थाखोफोरखौ सामलायनो थाखाय थि आयेनारि फ्रेमवर्कनि गेजेरजों हाबाफारि लादों, जेरै बिहार कचिं फसंथान (कन्ट्रल & रेगुलेशन) आयेन, 2010 [बिहार आयेन 17, 2010], गवा कचिं क्लासेस (रेगुलेशन) आयेन, 2001 (2001 नि गवा आयेन 27), उत्तर प्रदेश कचिं रेगुलेशन आयेन, 2002 [2002 नि इउपि आयेन नं 5], कर्नाटक ट्युटरियेल फसंथान (रेबथुमनाय आरो रेगुलेशन) नेम, 2001 [कर्नाटक सोलोंथाइ आयेन, 1983 (1995 नि कर्नाटक आयेन 1) नि सेक्शन 145 नि दालाइ-सेक्शन (1) जों होजानाय गोहोफोरखौ बाहायनानै बानायनाय], मणिपुर कचिं फसंथान (कन्ट्रल एन्ड रेगुलेशन) आयेन, 2017 (2017 नि आयेन नं 8) बायदि बायदि। राज'स्थान कचिं फसंथान (कन्ट्रल & रेगुलेशन) बिल, 2023 आबो राज्योआरि डमेनाव दं आरो बावैसो कचिं फसंथानफोराव मुं थिसननाय फरायसाफोरनि गोसोआरि नारसिनथाइखौ बाङाय खालामनो आरो गोसोआरि सावसिखौ सावसिन खालामनो थाखाय राज'स्थान सोरखारा 27.09.2023 मायथाइयाव नेमखान्थि फोसावदों।

20. सोरखारि-नडि कचिंजों सोमोन्दो थानाय जेंनाफोरखौ सुम्नानो थाखाय गोनांथार राहा लानाय जादोंब्लाबो, नेमखान्थि गैयि सोरखारि-नडि कचिं मिरुफोरनि अनजिमाया मोनसे मडेल नेमखान्थि/पलिशि दानायनि गोनांथिखौ दिन्थियो, जायखौ राज्योफोर / जुथाइ हायुं आवथाफोरा थि आयेनारि फ्रेमवर्कनि गेजेरजों मावफुंनो थाखाय नाजावनो हायो।

21. मिरु सोरखारा सोरखारि-नडि कचिं मिरुजों सोमोन्दो थानाय जेंनाफोरखौ सुस्रानो आरो थि आयेनारि फ्रेमवर्कनि गेजेरजों राज्योफोर / जुथाइ हायुं आवथाफोरजों नाजावनो थाखाय मडेल नेमखान्थि/पलिशि दानो थांखि लादों।

### 1. बिमुं

कचिं मिरु 2024 नि रेबथुमनायनि थाखाय नेमखान्थिफोर।

### 2. नेमखान्थिफोरनि थांखि

जायखिजाया फरायनाय हाबाफारि, बादायारि आनजादफोर एबा सोलोंथाइयारि हेफाजाबाव फरायसाफोरनो मदद होनाय आरो साबसिन लामा दिन्थिनो थाखाय कचिं मिरुनो नेमखान्थि होनाय।

### 3. नेमखान्थिफोरनि गोनांथि

- i. कचिं मिरुनि रेबथुमनाय आरो नेमखान्थिनि थाखाय फ्रेमवर्क जगायनो थाखाय।
- ii. कचिं मिरु सालायनो थाखाय खमसिन मानथाखो गोनां गोनांथिफोरखौ सुबुरुन होनो थाखाय।
- iii. कचिं मिरुफोराव मुं थिसनजानाय फरायसाफोरनि जर'खा गोसो जानायखौ रैखा खालामनो थाखाय ।
- iv. फरायसाफोरनि आबुं जौगाथाइनि थाखाय लोब्बा-फरायफारि मावथाइयाव गोसो होनो कचिं मिरुफोरखौ सुबुरुन होनो थाखाय।
- v. फरायसाफोरनि गोसोआरि गाहामनि थाखाय जिउ राहानि लामा दिन्थिनाय आरो गोसोआरि बोसोन होनो थाखाय।

### 4. ओंथि बेखेवनाय

- i. 'आपिल बिगोमा' नि ओंथिया थिखानाय सोरखाराजों फोसावजानाय सासे मावख'गिरि;
- ii. 'कचिं' नि ओंथिया 50 नि बांसिन सोलोंसाफोरनो 'फोरोंदेरनाय, फोरोंदिन्थिनाय, एबा थांदिन्थिनाय नाथाय बोसोन होनाय, गेलेमु, मोसानाय, नायजाव आरो गुबुन सोरजिलु हाबाफारिफोरखौ लाफाया;
- iii. 'कचिं मिरु' आव 50 नि बांसिन फरायसाफोरनि थाखाय फरायसालि, फरायसालिमा आरो मुलुगसोलोंसालि थाखोनि जायखिजाया फरायनाय हाबाफारि एबा बादायारि आनजादफोर एबा फरायसाफोरनो सोलोंथाइयारि हेफाजाव होनो थाखाय जायखिजाया सुबुंजों मोनसे मिरु, गायसननाय, सालायनाय एबा खुंजानाय दं;
- iv. 'हारों बिगोमा' नि ओंथिया थिखानाय सोरखाराजों मिथिसारहोजानाय सासे मावख' गिरि;
- v. 'सोरखार' नि ओंथिया जादों मिरु सोरखार, राज्यो / जुथाइ हायुं आवथानि सोरखार जायहा थि मोनथाइ आवथा दं;
- vi. 'फसंथान' नि ओंथिया फरायसालि एबा जायखिजाया गुबुन सोलोंथाइयारि फसंथान जाय गनायथि मोननाय ब'ईजों सामलायजानाय एबा गनायथि होजानाय, एबा राज्यो / जुथाइ हायुं आवथानि सोरखारजों गनायथि होजानाय एबा सामलायजानाय, गनायथि मोननाय फरायसालिमा, आरो लोगो फरायसालिमा,

मोनसे दाजानाय फरायसालिमा, मोनसे मुलुगसोलोंसालि एबा सोलोंथाइयारि फसंथान जाय मिरु सोरखार एबा राज्यो/ जुथाइ हायुं आवथानि आयेननि सिडाव गायसनजानाय;

- vii. 'सुबुं' नि ओंथिया सासे सुबुं आरो बेयाव सुबुंफोरनि मोनसे हानजा एबा बडी कर्प'रेट, एबा मोनसे ट्रास्ट, फार्म एबा समाज एबा मोनसे फसंथान थायो;
- viii. 'बिगोमा' नि ओंथिया रेबथुमनो नागिरग्रा मोनसे कचिं मिरुनि बिगोमा आरो लोगोसे जथाइ बिगोमाबो दंफायो;
- ix. 'फोरोंदेरगिरि' नि ओंथिया जायखिजाया सुबुं जाय कचिं मिरुनि फरायसाफोरनो लामा दिन्थियो एबा फोरोंथाइ होयो आरो बेयाव जुनिया फोरोंदेरनो थाखाय फोरोंदेरगिरिबो दंफायो।
- x. 'मुलुगसोलोंसालि' नि ओंथिया जादों मोनसे मिरुवारि आयेन, मोनसे ओनसोलारि आयेन एबा रायजो आयेनजों एबा बेनि सिडाव गायसनजानाय एबा सोफादेरजानाय मुलुगसोलोंसालि, आरो बेयाव बेबादि जायखिजाया फसंथान दं, जाय सोमोन्दो गोनां मुलुगसोलोंसालिजों सुबुरुन लानानै, इउजिसि आयेननि सिडाव बे फारसेनिफ्राय बानायनाय नेमखान्थि बायदियै इउजिसिजों गनायथि होजानो हागौ।

## 5. कचिं मिरुनि रेबथुमनाय

- i. सासे सुबुडा नेमखान्थिफोरनि रादाइफोर बायदियै बेबादि कचिं मिरुनि सिगांनि रेबथुमनायजोंल' कचिं मिरु गायसनगोन, सामलायगोन एबा दैदेननाय जागोन।
- ii. नेमखान्थिफोरखौ बाहायनायनि खालाराव थाखानाय कचिं मिरुवा नेमखान्थिफोरखौ मावफुंनायनि खालारनिफ्राय थाम दाननि गेजेराव रेबथुमनायनि थाखाय आर'जलाइ होनांगोन।
- iii. कचिं मिरुनि रेबथुमनायनि थाखाय आर'जलाइखौ हारों बिगोमानो होनाय जागोन, जायनि जायगायारि मोनथाइ आवथाइनि सिडाव बेबादि कचिं मिरुवा दं, बेबादि महराव, बेबादि मासुल आरो खाखिफोरजों थि सोरखारा रोखा खालामना होगोन।
- iv. गोबां दालाइफोर थानाय कचिं मिरुनि बेलायाव, बेबादि मोनफ्रोमबो दालाइखौ आलादा कचिं मिरु महुरै मानिनाय जागोन आरो मोनफ्रोम दालाइनि रेबथुमनायनि थाखाय मोनसेयै आलादा आर'जलाइ गथायनो नांगोन।
- v. हारों बिगोमाया कचिं मिरुनि रेबथुमनायनि थाखाय आर'जलाइ मोननायनि अक्ट'निफ्राय थाम दाननि गेजेराव थिखानाय फर्माव रेबथुमनाय फोरमानलाइ होनांगोन, एबा खायसे नेवसिनायनि थाखाय लिरनानै जाहोनफोरखौ रेबगान्थि खालामनायनि उनाव बेबादि रेबथुमनायखौ गनायथि होनो नेवसिनायनि गावनि बिथोनखौ आर'जलाइ होगिरिनो फोरमायनांगोन।

बबेखानि बेजों सोमोन्दो गोनां सुबुंनो मिथिहोनायनि मोनसे गनायथाव खाबु होआलासे रेबथुमनायखौ नेवसिनायनि थाखाय जेबो बिथोन होनाय जानाय नडा।

- vi. रेबथुमनाय फोरमानलाइनि उदायथाइनि समफारिखौ थि सोरखारा रोखा खालामगोन, जेब्लासिम बेखौ जायखिजाया जाहोननि थाखाय सिगाडाव नेवसिनाय नडा।
- vii. मोनफ्रोम रेबथुमजानाय कचिं मिरुवा बेबादि रेबथुमनायनि जोबनाय खालारनि नै दान सिगां हारों बिगोमानो रेबथुमनाय फोरमानलाइखौ फिन-गोदान खालामफिन्नो थाखाय सोरखारजों थि खालामजानाय बेबादि मासुल आरो खाखिफोरजों लोगोसे आर'जलाइ होनांगोन।
- viii. हारों बिगोमाया थिखानाय फर्माव रेबथुमनायखौ गोदान खालामफिन्नो थाखाय आर'जलाइ आरो थिखानाय मासुल मोननायनि उनाव, रेबथुमनाय सम जोबनायनि सिगां रेबथुमनाय अनजिमाखौ गोदान खालामफिन्नयनि आर'जलाइनि सायाव थिरांथा लानो हागोन आरो फोरमानलाइखौ गोदान खालामनो हागोन एबा रेबथुमनाय सम जोबनायनि सिगां आर'जलाइ होगिरिनो बेनि लिरनायाव बेबादि नेवसिनायनि जाहोनफोरखौ रेबगान्थिनायनि उनाव नेवसिनायखौ फोरमायनो हागोन।

बबेखानि बेजों सोमोन्दो गोनं सुबुंनो मिथिहोनायनि मोनसे गनायथाव खाबु होआलासे रेबथुमनायखौ नेवसिनायनि थाखाय जेबो बिथोन होनाय जानाय नडा।

- ix. थिखानाय सोरखारा अनलाइननि दारै कचिं मिरुनि रेबथुमनायखौ सुबिदा खालामनो थाखाय मोनसे वेव-पर्टेल / अनलाइन जुनथियारि आदबनि खाबु होगोन।

## 6. रेबथुमनायनि थाखाय रादाइफोर

- a. जायखिजाया कचिं मिरुवा आरिमु जालाय जानायनिखुइ बाडाइसिन रोंगौथि गोनं फोरोंगिरिफोरखौ थिसननो मोननाय नडा।
- b. जायखिजाया कचिं मिरुवा मुं थिसन्नो थाखाय बिमा-बिफा/फरायसाफोरनो नंखाय समायखिरा लानाय एबा रेंक एबा मोजां नम्बर मोनगोननि बानस'नो (गेरेन्टी होनो) मोननाय नडा।
- c. कचिं मिरुवाव 16 बोसोर बैसोनि गाहायनि फरायसाफोरनि मुं थिसननाया गेजेरारि फरायसालिनि आनजादनि उनावसो जानांगोन।
- d. जायखिजाया कचिं मिरुवा थोंजोंडै एबा खेंसालियायै कचिंनि गुन एबा बेयाव होनाय खाबुफोर एबा थाखोआव बाहागो लानाय फरायसाफोरा मोननो हानाय फिथाइफोरनि जायखिजाया दाबिजों सोमोन्दो थानाय जायखिजाया गोरोनथि फोसावनायजों दैदेननो मोननाय नडा।
- e. जायखिजाया कचिं मिरुखौ रेबथुमनाय जानाय नडा, जुदि बेयाव साफ्रोम फरायसाफोरनि थाखाय खमसिन जायगानि सुबिदा दडोब्ला।
- f. जायखिजाया फोरोंदेरगिरि एबा सुबुंनि सिबिथाइ लानो मोननाय नडा जायखौ अगेन खान्थियारि आखुजों लोब्बा थानाय जायखिजाया दायनि थाखाय दायनिगिरि मोननाय जायोबा।
- g. बे नेमखान्थिफोरनि गोनांथि बायदियै सुबुरुन होनाय खान्थि गैयाब्ला जायखिजाया कचिं सेन्टारखौ रेबथुमनाय जानाय नडा।

(ii) कचिं मिरुवा फोरोंदेरगिरिफोरनि रोंगौथि, फरायफारि / सोलोंफारि, आबुं जानायनि सम, ह'स्टेलनि सुबिदाफोर (जुदि दडब्ला), आरो मासुल लानाय, गोरलैयै ओंखारलानाय खान्थि, मासुल होफिन्नाय खान्थि, मिरुनिफ्राय कचिं लानाय फरायसाफोरनि अनजिमा आरो जोबनायाव जौसिन सोलोंथाइ फसंथानफोराव मुं थिसन्नायाव जाफुंसार जानाय फरायसाफोरनि अनजिमनि गोदान फोरमायथिफोर थानाय मोनसे वेबसाइट थानांगोन।

(iii) कचिं मिरुवा जायगायारि मोनथाइ आवथाइयाव बाहायजानाय आलादा रेबथुमनायजों लोगोसे गुबुन गुबुन आयेन, नेम, बिखान्थिफोर बायदिफोरखौ फालिनांगोन।

## 7. रेबथुमनायनि थाखाय आर'जलाइजों लोगोसे खाखिफोर थाफानांगोन

(i) कचिं मिरुनि रेबथुमनायनि थाखाय मोनफ्रोम आर'जलाइजों लोगोसे बिगोमाया मोनसे समायखिरा लानाय जागोन जेराव बुंनाय जागोनदि –

- a. बिथाडा खालि 'रेबथुमनाय कचिं मिरु' सोदोबखौल' बाहायनांगोन आरो जायखिजाया साइन बर्ड एबा फसंथानलाइ एबा जगाजग एबा जायखिजाया जायगायाव 'सिनायथिजानाय' एबा 'गनायजानाय' सोदोबफोरखौ बाहायनाय नडा;
- b. बै फरायसाफोरनि थाखाय जाय फसंथान / फरायसालिफोरावबो फरायगासिनो दं, बिसोरनि फसंथान / फरायसालिनि समाव कचिं थाखोफोरखौ खुंनाय जानाय नडा।
- c. फोरोंदेरगिरिफोरनि रोंगौथिनि सोमोन्दै गोनां फोरमायथि, कचिं क्लासनि सम फारिलाइ, मासुल लानाय आरो सरासनन्ना फोरमायथि, थि खालामनाय बायदियै, कचिं क्लासनि सोमोन्दै वेबसाइट आरो मिथिसार बर्डाव कचिं मिरुनि सोरगिदिं मोनसे मख'जाथाव जायगायाव दिन्थिनाय थानांगोन;
- d. कचिं मिरुवाव मावनाय जायखिजाया फोरोंदेरगिरि एबा मावगिरि सुबुंखौ जायखिजाया अगेन खान्थियारि आखुजों लोब्बा थानाय जायखिजाया दायनि थाखाय दायनिगिरि खालामनाय जायाखैबा फोरोंदेरगिरिनि साखिनि सोलायनायखौ थाबैनो हारों बिगोमानो मिथिहोनो नांगोन;
- e. बिथाडा कचिं क्लासाव मुं थिसननो गोनां फरायसाफोरनि थिखानाय अनजिमनि रादाइखौ मानिनांगोन;
- f. बिथाडा बेफोर नेमखान्थिफोरनि गोरोबथानि आयदाखौ मानिनानै सोलिनांगोन;

(ii) रेबथुमनायखौ फिन-गोदान खालामफिन्नो थाखाय आर'जलाइजों लोगोसे चार्टर्ड एकाउन्टेन्टजों सानजाद (अडिट) खालामजानाय सानरिखि बिबुंनि मोनसे कपि थाफानांगोन।

## 8. मासुल

(i) गुबुन-गुबुन फरायफारि / सोलोंफारिफोरनि थाखाय लाजानाय फोरोंदेरनि मासुला बयजोंबो गनायजाथावना जानांगोन आरो मासुल लानायनि रसिदफोरखौ मोन्नो हानाय जानांगोन।



- (ii) कचिं मिरुवा गुबुन-गुबुन फरायफारि / सोलोंफारि, बिसोरनि फोजोबनायनि सम, थाखोफोरनि अनजिमा, बिबुंथि, ट्युटरियेल, ह'स्टेलनि सुबिदाफोर (जुदि दडब्ला), आरो लानाय मासुल, गोरलैयै ऑखारनाय खान्थि, मासुल हरफिन्नाय बायदि बायदिखौ मुंख'नानै मोनसे फसंथानलाइ जारि खालामनांगोन। बे फोरमायथिफोरा तबिलिंदनि मख'जाथाव जायगायावबो दिन्थिनाय थानांगोन।
- (iii) फसंथानलाइ, खाता (न'ट) आरो गुबुन मुवाफोरखौ कचिं मिरुवा बिसोरनि मुं थिसनजानाय फरायसाफोरनो जेबो आलादा मासुल लायालासे होनांगोन।
- (iv) जुदि फरायसाया फरायफारिनि थाखाय आबुडै रां होदों आरो थिखानाय समनि गेजेराव फरायफारिखौ नागारो, अब्ला फरायसाखौ आद्रा थानाय समनि थाखाय सिगाडाव जमा खालामनाय मासुलनिफ्राय 10 साननि गेजेराव सें रुजुथाइ बिथायाव होफिन्नाय जानांगोन। जुदि फरायसाया कचिं मिरुनि ह'स्टेलाव थायो, अब्ला ह'स्टेलनि मासुल आरो मेस मासुल बायदिखौबो होफिन्नाय जानांगोन।
- (v) जायखिजाया थासारियाव, मोनसे थि फरायफारि आरो समफारिनि थाखाय मुं थिसननाय मासुलखौ बे फरायफारिनि जोबनाय समसिम बांहोनो मोननाय नडा।

## 9. बिथायारि सानजथाइनि गोनांथिफोर

- (i) कचिं मिरुनि गुदि दाथाइनि सिडाव, थाखो / हान्जानि साफ्रोम फरायसाफोरनि थाखाय बाङायसिनाव से बर्ग मिटार जायगा रानना होनाय जानो हायो। मुं थिसननाय फरायसाफोरनि अनजिमानि रुजुनायाव थोजासे बिथायारि सानजथाइ थानांगोन।
- (ii) कचिं मिरु बिलडिडा अर रैखाथि कड, बिलिंड रैखाथि कड आरो गुबुन मानथाखोफोरखौ मानिनांगोन आरो थिखानाय सोरखारजों थिरांथा लानाय बायदियै थिखानाय बिगोमाफोरनिफ्राय अर आरो बिलिंड रैखाथि फोरमानलाइ मोननाय थानांगोन।
- (iii) फरायसाफोरनि हेफाजाबनि थाखाय, कचिं मिरुवाव गिबि फाहामथाइ किट आरो साव-फाहामारि हेफाजाब/फाहामथाइनि सुबिदा थानांगोन। रेफारेल सिबिथाइफोरनि थाखाय जेरै देहा फाहामसालि, हरखाव सिबिथाइनि थाखाय डाक्टर, पुलिस हेल्पलाइन फोरमायथि, अर सिबिथाइ हेल्पलाइन, आइजो हेल्पलाइन बायदि बायदिफोरखौ दिन्थिना दोननाय जागोन आरो फरायसाफोरखौ बेफोरनि सोमोन्दै फोरमायनाय जानांगोन।
- (iv) कचिं मिरु बिलडिडा आबुडै मोब्लिब गोनां, मोजाडै बार नांनाय जानांगोन आरो बिलडिंनि मोनफ्रोम थाखो खथायाव थोजासे सोरांनि राहा खालामनाय थानांगोन।
- (v) मिरुनि गासैबो फरायसाफोर आरो मावफारियाफोरनि थाखाय रैखाथि गोनां गोगो लोंग्रा दै मोननो हानांगोन।
- (vi) कचिं मिरुनि जेराव गोनांथि जायो बेवहाय सिसिटिभि केमेराफोर लागायनो हायो आरो रैखाथिखौ मोजाडै सामलायनाय जानांगोन।

(vii) फरायसाफोरनो अजद दैखांनो थाखाय कच्चिं मिरुवा मोनसे अजद बक्स एबा रेजिस्टार दोननो हायो। कच्चिं मिरुवाव फरायसाफोरनि अजद / आंखालफोरखौ सुस्रानो थाखाय कमिटि थानांगोन।

(viii) कच्चिं मिरु बिल्डिनि सिडाव हौवा आरो हिनजावफोरनि थाखाय आलादायै खिखरसालिनि राहा थानांगोन।

## 10. सोलोंफारि

### 10.1 थाखोफोर

- i. कच्चिं मिरुवा फसंथानलाइयाव मुंख'नाय बायदि थिखानाय समनि गेजेराव थाखो / फरायफारिफोरखौ फोजोबनो नाजानांगोन।
- ii. बै फरायसाफोर जाय फसंथान / फरायसालिफोरावबो फरायगासिनो दं बिसोरनि थाखाय कच्चिं थाखोफोरखौ बिसोरनि फसंथान / फरायसालिनि समाव खुंनो मोननाय नडा, जाहाथे फसंथान/फरायसालिफोराव बिसोरनि सानफ्रोमबोनि नुजाथिनाइया गोहोम खोख्लैजाया आरो नंखाय आयेनगैयै फरायसालिफोरनिफ्राय बारग'नो थाखायबो।
- iii. जाय फरायसाफोरनो गावसोरनि सोलोंथाइयाव उफ्रा हेफाजाबनि थाखाय गोनांथि जायो बिसोरनो जेंना सुस्रानाय एबा हेफाजाव थाखोफोर होनो हायो।
- iv. सोलोंफारि/थाखोनि सम फारिलाइखौ फरायसाफोरखौ रिलेक्श एबा जिरायनो थाखाय थोजासे सम होयो आरो बिसोरनि सायाव उफ्रा गोसोआरि नारसिननाय दाजाया बेखौ नायनानै थि खालामनांगोन।
- v. कच्चिं मिरुवा फरायसाफोरजों लोगोसे फोरोंदेरगिरिफोरनि थाखाय सप्तायारि बन्दखौ थि खालामनांगोन।
- vi. सप्तायारि बन्दनि अखानायै जेबो सुनाय-टेस्ट / आनजाद खुंनो मोननाय नडा।
- vii. सोमोन्दोगोनां ओनसोलाव गोनां आरो मुंदांखा फोरबोफोरनि समाव, कच्चिं मिरुवा बन्दखौ ओरैबायदि थि खालामगोनदि जायजों फरायसाफोरा गावसोरनि नखरजों सोमोन्दो लाखिनो हायो आरो गोसोआरि थुलुंगा मोन्नो हायो।
- viii. कच्चिं मिरुफोरा कच्चिं क्लासफोरखौ ओरैबादि खुंनांगोनदि सासे फरायसानि थाखाय बेयो बांद्राय जानो नाडा आरो बेयो सानसेयाव 5 घन्टानिखुइ बांसिन जानो मोननाय नाडा आरो कच्चिंनि समफोरा फुडाव बांद्राय थाव जानो नाडा आरो मोनाबिलियावबो बांद्राय गोबाव जानो मोननाय नाडा।
- ix. कच्चिं मिरुफोरा फरायसाफोरनि गासैबो बिथिंनि जौगाथाइ आरो मेलेमारि गोहोखौ सोबांनो थाखाय लोब्बा-फरायफारि मावथाइ खुंनांगोन। कच्चिं मिरुफोरा गुबै एबा गाहाय आयदाफोरखौ फोरोंनाय समाव फोरोंदेरगिरि, मावगिरि आरो गासैबो फरायसाफोरनि थाखाय जिउ रोंगौथि, बिगियानारि आखु आरो फोरमान-बिथायारि साननाय-हनाय, सोरजिलुथि आरो गोदान दिहनथाइ; गोगोथि, सुखु-गोजोन, आबेगारि सोमोन्दो आरो गोसोआरि गाहामथि, बैसो-आरजाथाव जेंनाफोर, थुलुंगा; हेफाजाव होलायनाय आरो हानजायारि खामानि मावनाय; जेंना सुस्रानाय आरो बानमिनारि बाश्रा बुंफोरनाय; बोसोनारि गियान आरो

आखुवारि बाथ्रा बुंफोरनाय; सुबुं आरो संबिजिरारि बेसेनफोरनि गियान आरो हुदा; गावारि रैखाथि (आथोनारि सांग्रांथि आरो गाज्जिखौ होबथानाय); गुदिनां बिबानफोर; नोगोरारिनि रोंगौथि आरो बेसेनफोर; भारत हादोरनि गियान; आबहावायारि सांग्रांथि, साव रैखाथि आरो सावन्नि विगियान बायदि बायदि।

## 10.2 कचिं मिरुनि आखु बिखान्थि

- i. मोनफ्रोम थाखो / हानजायाव मुं थिसननो गोनां फरायसाफोरनि अनजिमाया फसंथानलाइयाव रोखायै बेखेवनाय थानांगोन आरो बेखौ वेबसाइटाव फोसावनो नांगोन। बेबादि मुं थिसननायनि सिमाखौ फरायफारिनि समाव बारायनो मोननाय नाडा।
- ii. मुं थिसनजानाय फरायसाफोरनि अनजिमाया मोनफ्रोमबो थाखोयाव सोलोंसाफोरजों फोरोंगिरिफोरनि मोनसे मोजां रुजुथाइखौ थि खालामनांगौ बेयो फोरोंगिरि आरो बोसोनगिरिफोरजों साबसिन सोमोन्दो बानायनो थाखाय खाबु सोरजियो। फरायसाफोरा थाखोआव फोरोंदेरगिरिफोरनिसिम सोंनाय-फिननायजों सोमोन्दो लाखिनो हानाय खाबु थानांगौ आरो थाखोफोरनि समाव फैसालि एबा ब्लेकबर्डफोरखौ रोखायै नुनो मोननाय जानांगौ।
- iii. कचिं मिरुवा 16 बोसोर बैसोनि गाहायनि फरायसाफोरखौ मुं थिसननो होनो मोननाय नडा एबा फरायसाफोरनि मुं थिसननाया खालि गेजेरारि फरायसालिनि आनजादनि उनावसो जानांगोन।
- iv. फरायसाफोरखौ सोलोंफारियाव मुं थिसननायनि सिगां आनजादनि गोब्राबथि, फरायसंफारि, थियारि खालामनायनि थाखो आरो फरायसाफोरनिफ्राय नांगौ-नाजानायनि सोमोन्दै मोजाडै मिथिहोनाय जानांगोन।
- v. फरायसाफोरखौ सोलोंथाइयारि आबहावा, हारिमुवारि जिउ खुंनाय, नंगुबै आरो फरायसालि थाखोनि आनजाद थियारि खालामनाय आरो बादायारि आनजादनि थियारि खालामनायनि गेजेरनि फारागथिनि बागै सांग्रां खालामनांगोन।
- vi. इन्जिनियारिं आरो मेडिकेल फसंथानफोराव मुं थिसन्नायनि खाबुफोरनि अनगायैबो, फरायसाफोरनो गुबुन जिउराहानि खाबुफोरनि सोमोन्दै फोरमायथि होनांगौ, जाहाथे बिसोरो गावसोरनि इयुननि बागै बांद्राय जिंगा जाया आरो गुबुन मोजां जिउराहानि मोनसे गोदान राहा सायख'नो हायो।
- vii. फरायसानि हारोंथाइखौ बिजिरनो थाखाय मुं थिसन्नाय एबा मक टेस्ट खुंनो हायो। फरायसाफोरनि हारोंथाइ आरो जुनिया गोसो जानायनि सायाव सोनारना कचिं मिरुवा बिमा-बिफानो फरायसानि हारोंथाइनि नंगुबै आसाफारिनायखौ फोरमायनानै होनांगौ आरो सिगांथिं थानाय लामानि थाखआय सुबुरुन होनांगौ।
- viii. फरायसा आरो बिमा-बिफाफोरखौ सांग्रां खालामनाय जानांगोनदि कचिं मिरुवाव मुं थिसन्नाया मेडिकेल, इन्जिनियारिं, मेनेजमेन्ट, आयेन बायदि फसंथानफोराव मुं थिसन्ना एबा बाइदि बादायारि आनजादाव जाफुंसारनायनि थाखाय जेबो बानस'नाय (गेरेन्टि) गैया।

- ix. कच्चिं मिरुवा गोसोआरि सावस्त्रि रोंगसाफोरनि हेफाजाबाव फरायसाफोरनि गोसोआरि सावस्त्रिनि सोमोन्दै सम-सम मावबादा आरो सांग्रांथि जथुम्माफोर खुंनांगौ।
- x. कच्चिं मिरुवा फरायसाफोर आरो बिमा-बिफाफोरनि गेजेराव सोलोंथाइ सास्थोर, फरायफारिनि समफारि आरो कच्चिं मिरुवाव थानाय सुबिदाफोरनि बागै सांग्रांथि लाबोनांगौ। बिथांमोनखौ गावसोरनि गथ'फोरनि सायाव नाडै गोसोआरि जिंगा आरो गोबां मिजिंथिनायनि गाज्जि गोहोमफोरनि बागै बोसोन होनो नांगौ।
- xi. कच्चिं मिरुवा खुंजानाय सुनाय आनजादनि फिथाइखौ रायजोआरि खालामनो मोननाय नडा। सुनाय आनजादखौ आन्दोआव लाखिनानै बेनि बाहायथिखौ फरायसाफोरनि दिन्थिफुंनाय फिथाइखौ नेमबादियै बिजिरनायनि थाखाय बाहायनांगौ आरो जाय फरायसानि सोलोंथाइनि दिन्थिफुंनाया गाज्जि जालांगासिनो दं, बिसोरनो बे नेमखान्थिनि रादाइबादियै बोसोन होनांगौ।

## 11. सुबुरुनगिरिफोर आरो गोसो बिगियानगिरिफोरनि मदद

- i. फरायसाफोरनि सायाव गोबां बादायारि आरो सोलोंथाइयारि नारसिन्नाय जिंगाफोर फैनायनि थाखाय, कच्चिं मिरुफोरा फरायसाफोरनि गोसोआरि गाहामनि थाखाय मोजां आगान लानांगौ आरो गावनि फरायसाफोरनि सायाव जेबो गोसोआरि नारसिननाय गैयाजासे थाखो खुंनो हानांगौ। लोगोसे, दुखुवाव आरो जिंगागोनां थासारिजों मोगा मोगि जानांनाय फरायसाफोरनो गोखै हेफाजाब होनो थाखाय आरजाथाव आदब-खान्थि गायसननांगौ।
- ii. हारों बिगोमाया बेखौ रोखा खालामनांगौदि कच्चिं मिरुवा सुबुरुन होनाय खान्थिखौ जौगाहोनो नांगौ, जायखौ फरायसा आरो बिमा-बिफाफोरा गोरलैयै मोननो हायो। गोसो बिगियानगिरिफोर, सुबुरुनगिरिफोरनि मुं आरो बिसोरनि सिबिथाइ होनाय समनि सोमोन्दै फोरमायथिफोरखौ गासैबो फरायसा आरो बिमा-बिफाफोरनो होनांगौ। फरायसाफोर आरो बिमा-बिफाफोरनि थाखाय गोहोम गोनां लामा दिन्थिनो आरो सुबुरुन होनो थाखाय कच्चिं मिरुवाव सोलोंथाइ गोनां सुबुरुनगिरिफोर थिसननो हायो।
- iii. गोसोआरि नारसिनथाइ आरो दुखु एबा जिंगायाव थानाय फरायसाफोरखौ गोसो बिगियानगिरि सिबिथाइफोर होनो आरो सुबुरुन होनो थाखाय कच्चिं मिरुफोरा सुबुरुनगिरिफोर आरो रोंमोनदांथिगोनां गोसो बिगियानगिरिफोरखौ सोफादेरनो थुलुंगा जानांगौ।
- iv. फरायसाफोरनि जुनिया गोसो जानाय, रोंगौथि आरो हारोंथाइफोरखौ बिजिरनो थाखाय जिउराहा दिन्थिग्रा सुबुरुनगिरिफोरखौ थिसन्नो नांगौ। बेनि उनाव बिसोरो फरायसाफोर आरो बिमा-बिफाफोरखौ मोगथाडारि आसाफारिनायखौ लामा दिन्थिगोन आरो साबसिन जिउ राहा सायख'नायाव मदद आरो सुबुरुन होगोन।
- v. कच्चिं मिरुजों गोसोआरि सावस्त्रि सायाव आरो गोसोआरि नारसिनथाइ होबथानायनि थाखाय बिमा-बिफा, फरायसा आरो फोरोंगिरिफोरनि थाखाय नेमबादियै मावबादा आरो सांग्रांथि सप्तानि राहा खालामनो हायो। बेयो सावस्त्रियाव गुदि फोरोंथाइ, मोजां थाजिम सुफुंसारनाय, गावारि आरो रायजोआरि साखोन-सिखोन लाखिनाय, हरखाब आफोदनिफ्राय रैखाथि थानो रोंनाय, गिबि फाहामथाइ आरो जौ, थांखु आरो

ड्राग्स बाइदिनि खहागोनां गोहोमफोरनि बागै बिगियानारि बेखेवथिबो होनांगौ। बिमा-बिफाफोरनि थाखाय खुंजानाय रायज्जलायनाय जथुम्मनि समाव कच्चिं मिरुवा मोजां एबा पजिटिभ बिमा-बिफा जानायनि सुबुरुन होनायनि सायाव गोसो होनांगौ। बे जथुम्माफोरा बे बाथ्राखौ नोजोर होनांगौदि बिमा-बिफाया गावनि गथ'फोरनि गोसोआरि सावस्रि, गोख्रोंथि आरो बिबानगोनां गाव-जोथोनखौ जौगाहोनायाव बिहोमा होयो।

- vi. फोरोंदेरगिरिफोरा गोसोआरि सावस्रिनि आयदाफोराव फोरोंथाइ मोन्नो नांगौ जाहाथे बिसोरो गोहोम गोनां आरो सांग्राडै फरायसाफोरनो बैफोर बिथिंफोरनि सोबांनायनि बागै गुमुर होनो हायो।
- vii. सुबुरुन होनायनि बाहागो मह्रै कच्चिं मिरुवा समान हानजानि गावजों गाव सावरायलायनाय गायसननांगौ। कच्चिं मिरुवा सावरायनाय, बादायलायनाय आरो मावथांखिफोराव हानजा-बिथायारि सोलोंफारिनि सायाव बिथा खालामनाय बिथांखिफोर खुंनायजों खालामनो हायो। बे हाबाफारिफोरा फरायसाफोरनि गेजेराव हेफाजाब होनाय आरो समाजारि सोमोन्दो लाखिनायखौ थुलुंगा होयो।
- viii. जाय फोरोंदेरगिरिफोरा फरायसाफोरखौ फोरोंदों बिसोरनो फरायसाफोरनि फरानि सायाव गोनो गोथोखौ फोजोबना होनांगोन जाहाथे फरायसाया गोजोननाय मोनो।
- ix. कच्चिं मिरुवा गाहायाव होनाय बायदियै फसंथानाव गोसोआरि सावस्रिखौ जौगाहोनो थाखाय फ्रेमवर्कखौ मानिनांगोन:

गोसोआरि सावस्रि जौगाहोनायनि फ्रेमवर्क		
जेंनाफोरनि थाखो	स्टेकहूडारा बाहागो लाफानांगोन	आखाय होनायनि थाखो
गोसोआरि मोजां जानाय	गासै फसंथानारि सुबुं समाज	फसंथानारि फरायफारियाव गोसोआरि मोजां जानायखौ सरजाबनाय
गोसोआरि सावस्रि गियान गोसोनि साननाय आरो आखु	गासैबो फरायसाफोर आरो फोरोंदेरगिरिफोर	गोसोआरि मोजां जानाय- सरासनस्रा सावस्रि सोलोंफारिनि बाहागो
गोसो-समाजारि जेंनाफोर	सुबुरुनगिरिफोर, फोरोंदेरगिरिफोर, लोगोआरि बोसोनगिरि, वार्डेन आरो नोगोरारिफोर	गोनांथि जानाय फरायसाफोरनो उफ्रा हेफाजाब होनाय
गोब्राव जेंना/आउल नांनाय	बोसोनगिरिफोर, फसंथानारि डाक्टरफोर आरो गुबुन रोंगसाफोरा	जिउराहायारि सामलायनाय

## 12. सरजाबफानाय आरो मोन्नोहानाय

- i. कच्चिं मिरुवा मुं थिसननाय आरो फोरोंनाय समाव धोरोम, हारि, माहारि, आथोन, जोनोम जायगा, फोलेर बायदिनि सायाव बिथा खालामनानै जायखिजाया आर'जलाइ होग्रा / फरायसानि हेंथायै जुजाइ माइगाव खालामनो मोननाय नडा।

- ii. कच्चिं मिरुवा लोरबां हारिफोरनि फरायसाफोर जेरै आइजो फरायसाफोर, बेंगुरा फरायसाफोर, आरो गोम्लैसोनाय हान्जानि फरायसाफोरनि गोबां हानजाखौ बाहागो लानो आरो मुलामफा लानो थुलुंगा होनो थाखाय जर'खा राहा खालामनो हायो।
- iii. कच्चिं मिरु बिलडिं आरो खाथिखालानि सोरगिदिं दिब्यांग-लोगोआरि जानांगोन आरो बेंगुरा सुबुंफोरनि मोन्थाइ आयेन, 2016 नि रादाइफोरखौ मानिनांगोन।
- iv. फोरोंदेरगिरिफोरा बेंगुरा फरायसाफोर सोलोंथाइनि सोमोन्दै सांग्रां जानांगौ जाहाथे फरायसाफोरा गावसोरनि सोलोंनाय समाव गोरलैथै मोनदांनो आरो मदद मोननो हायो।
- v. जेराव हायो बेवहाय ब्राइल, इ-रिडार आरो खिखरसालि आरो बाइदि दिब्यांग-लोगोआरि राहाफोर खालामनो नांगौ।
- vi. बेंगुरा फरायसाफोरनो हेफाजाव क्लासफोर होनो नांगौ जायफोरनो गावसोरनि सोलोंथाइयाव उप्रा हेफाजावनि गोनांथि जायो।
- vii. सोलोंथाइयारि दिन्थिफुंनाय फिथाइखौ लानानै हान्जा बोखावनायखौ खालामनो मोननाय नडा, मानोना बेयो फरायसाफोरनि सायाव गोसोआरि नारसिनथाइ सोमजिहोनो हागौ आरो बिसोरनि गोसोआरि बिथिङ्गाव गाज्जि गोहोम खोख्लैनो हागौ। फरायसाफोरनि मुं थिसननायनि फारियावनो हान्जाफोर दानो नांगौ आरो फरायफारि जोबजासिम हान्जाखौ सोलायनो मोननाय नडा।

### 13. रेबगान्थिफोरनि सामलायनाय

- i. कच्चिं मिरुवा थिखानाय सोरखाराजों रोखा खालामनाय बायदि रेबगान्थि, सानरिखि, एबा गुबुन खाखिफोरखौ सामलायनांगौ आरो दिहुननांगौ।
- ii. कच्चिं मिरुवा रेबगान्थिनि थाखाय हारों बिगोमानो बोसोरारि फोरमायथिखौ गथायनो हायो।

### 14. कच्चिं मिरुनि जायगा सोलायनायाव होबथानाय

कच्चिं मिरुवा रेबथुमनाय फोरमानलाइयाव दिन्थिनाय जायगायावल' कच्चिं मिरु खुनांगोन आरो हारों बिगोमानि सिगांनि लिरनाय गनायथि गैयाजासे बेनि रेबथुमजानाय जायगानि अनगा जायखिजाया गुबुन जायगायाव मिरुखौ लानो मोननाय नडा।

### 15. कच्चिं मिरुनि हाबाफारिफोरनि नायबिजिरनाय

हारों बिगोमा एबा थिखानाय सोरखाराजों गनायथि होजानाय जायखिजाया गुबुन मावख'गिरिया कच्चिं मिरुनि हाबाफारिफोरखौ नोजोर लाखिबाय थागोन आरो कच्चिं मिरुनि रेबथुमनाय आरो गोजोनथाव हाबाफारिफोरनि गोनां उदायथिखौ आवुं खालामनायनि सोमोन्दै जायखिजाया कच्चिं मिरुखौ उदिस लागोन।

## 16. अजदफोरखौ मावफुंनाय

- i. कचिं मिरुनि फरायसा, बिमा-बिफा एबा फोरोंगिरि / मावगिरिफोरा कचिं मिरुनि बेरेखायै आरो कचिं मिरुफोरा फरायसाफोर / बिमा-बिफाफोरनि बेरेखायै हारों बिगोमानि सिगाडाव मोनसे अजद होनो हागोन। अजदफोरखौ थामजि साननि गेजेराव हारों बिगोमा एबा थिखानाय सोरखाराजों बे थांखिनि थाखाय दाजानाय नायबिजिरनाय आफादजों मावफुंनाय जागोन।
- ii. हारों बिगोमा एबा नायबिजिरनाय आफादनि फोरमायथियाव खोनासंहोनायनि खाबु होनायनि उनाव, हारों बिगोमाया रेबथुमनायखौ बन्द' खालामनायनि थाखाय जुरिमाना होहोगोन एबा राहा लागोन।

## 17. जुरिमाना

1. हारों बिगोमानाव हायुंसा आदालतनि गोहो थागोन। हारों बिगोमानाव बेबादि गोहो थागोन जाय सिभिल प्र'सिजार क'ड 1908 (1908 नि मिरुवारि आयेन नं 5) नि सिडाव बिजिरसालियाव जायखिजाया नालिसनि सायाव साननो थाखाय जेरै-
  - i. समाय बिलाइनि गेजेरजों फोरमानजों लोगोसे साखिखौ नाजावनाय;
  - ii. जायखिजाया सुबुंखौ सतबांसा लाना नुजानो आरो साखि होनो थाखाय लिंहरनो हायो;
  - iii. रेबगान्थिनि दिहुन्थाइखौ जारि खालामनो थाखाय; आरो
  - iv. बेसेन होनो थाखाय,
2. रेबथुमनाय एबा सरासनन्ना नेमखान्थिफोरनि जायखिजाया रादाइफोरखौ सिफायनायनि बेलायाव, कचिं मिरुवा गाहायाव होनाय बायदि जुरिमाना होनो थाखाय बिबान गोनां:
  - i. गिबि दायनि थाखाय 25,000/- रां
  - ii. नैथि दायनि थाखाय 1,00,000/- रां
  - iii. उननि दायनि थाखाय रेबथुमनायखौ बोखारनाय।

## 18. रेबथुमनायखौ दानगारनाय

जुदि हारों बिगोमाया बेखौ थि खालामोदि मिरुवा गावनि रेबथुमनायनि जायखिजाया नेमखान्थिफोरखौ सिफायोबा मोनसे कचिं सेन्टारनि रेबथुमनाय फोरमान बिलाइखौ फोजोबनो हायो। फोरमान बिलाइखौ दानगारनायनि सिगां, हारों बिगोमाया मिरुखौ मानो दानगारनो नाडा बेखौ फोरमायनो मोनसे खाबु होयो।

## 19. आपिल खालामनायनि नेमखान्थि

जुदि सोरबा सुबुडा रेबथुमनायखौ नेवसिनाय, रेबथुमनायखौ फिन-गोदान खालामफिननाय नेवसिनाय, एबा मोनसे कचिं मिरुनि रेबथुमनायखौ फोजोबनायनि थांखिजों गोजोना एबा दुखु जायो, अब्ला बिसोरो बिथोन मोन्नायनि थामजि साननि गेजेराव थिरांथाखौ आपिल बिगोमानो आपिल खालामनो हायो। आपिल बिखान्थिखौ थिखानाय सोरखारा रोखा खालामनाय जायो।